



影舊鈔卷子本文館詞林  
五

和6  
993  
5



門八和6  
第993  
卷

貞觀年中與李執長勳一書

勳文州都督府司馬平執長文  
州重鎮控馭夷夏二佐之任不  
易其人遂與公壽雖是宗室  
親未經職勞須相重期共行善  
道聞卿乃贊公向私難存詭  
非假之幸勳也贊成奉法之人



貞觀年中與干軋長勅一首

勅文州都督府司馬干軋長交  
州重鎮控馭夷夏二佐之任不  
易其人遂安公壽雖是宗室近  
親未經臧務須相匡弼共行善  
道聞卿乃背公向私唯存諂媚  
非理之事動必贊成奉法之人

以上有缺葉一



即共排毀彼都督府長史李玄  
明居官清慎每存正直卿与都  
督疾之若讎計卿此情難可容  
恕但以遠道察訪恐未詳審所  
以不即加罪更令委訪卿宜自  
勉勵改往修來若此行不除必  
無縱捨之理宜知

貢舉

北齊武成帝舉士勅一首

太上皇帝勅旨設官分職唯賢  
是寄調俗恤人於斯為切自非  
在朝群彥各舉所知何以載康  
政術永隆邦化今重明薦法具  
如前伴理有存焉庶可益並

宜妙盡拔茅式諧僉議勿致差  
違自貽賊負付外便施行

隋文帝令山東卅州刺史舉人勅一首

勅某官某甲君臨天下所須者  
材苟不求材何以為化自周平  
東夏每遣搜揚彼州俊人多未  
應起或以東西舊隔情猶自踈

或以道路懸遠慮有困乏假為  
辭託不肯入朝如能仕者皆得  
榮位況伏草萊尚為前伍此則  
竊目下之利忘久長之策刺史  
守令典取人情未思此理任而  
不送朕受天命四海為家關東  
關西本無差異必有材用來即

銓叙虛心待之猶飢思食彼州  
如有仕齋七品已上官及州郡  
懸鄉望縣功曹已上不問在任  
下代材幹優長堪時事者仰精  
選舉之縱未經仕官材望灼然  
雖鄉望不高人材卓異悉在舉  
限或舊有聲績今實老病或經

此行重出  
限或舊有聲績今實老病或經  
犯贓貨枉法之罪並不在舉例  
凡所舉者分為三番具錄官歷  
家狀戶屬姓名送尚書吏部曹  
第一番二月廿五日仰身到洛  
陽受河南道行臺吏部曹進心  
第二番待裝束備辦令向京師

受吏部曹履公並仰正臧主薄  
將典送之第三番且使在家別  
聽約勅令令舉送宜存心簡選  
送名之後朕別遣訪問若使被  
舉之人有不及不舉者罪歸於  
公等更不干餘等官司公等宜  
將朕此勅宣示於人令知朕意

此事專委於公等必不得濫薦  
復勿使失材也旨宣此懷不復  
多及  
除授

北齊武成帝除崔士順散騎侍郎勅一首

太上皇帝勅旨龍驤將軍考功  
郎中崔士順識懷溫正詞藝清

華入陪輿輦時談允屬可散騎  
侍郎仍郎中將軍如故

北齊武帝命聿道孫無正貢迎陳使勅一首

太上皇帝勅百伏波將軍侍御  
史前大尉府中兵叅軍事聿道  
孫理識溫敏詞藝清華迎勞遠  
賓僉論斯在可兼散騎侍郎至

境道迎接陳使

北齊武帝除潘子義持書裴謁之殿中邦史勅一首  
太上皇帝勅百隨材授任抑有  
前規通直散騎常侍判東平王  
開府中郎事潘子義往毗臺務  
功績無爽龍驤將軍檢校御史  
裴謁之恪居職事堅貞可錄攝



官優秩僉論攸歸子義可以本  
官領兼持書侍御史謁之可殿  
中侍御史將軍如故

北齊武成帝除源那延持書房照太守勅一首

太上皇帝勅旨將捕惡禽理憑  
鷲鳥言改錯節實須利器前件  
源那延等或職業清華或矜宇

閑懇隨材任使僉謂得人件授  
如右付外依式

北齊武成帝除葉瓊等太守勅一首

太上皇帝勅旨專城之寄有屬  
惟良前件奚瓊等早從任使並  
展勤績緝釐人政僉議所歸件  
授如右其有將軍品爵志如故

北齊武成帝除盧景開太守等勅一首

太上皇帝勅旨典郡毗藩允鍾  
勤幹件盧景開等並器業明遠  
局量優通宜任以化人申其志  
力件授如右其有將軍品爵悉  
如故

北齊後主除崔孝緒等太守長史勅一首

勅旨言求人瘼寔資良守欲清  
藩政允寔元僚前行新興郡事  
崔孝緒廣州前別駕封士鴆等  
並早涉官塗夙檀勤績專城贊  
牧義非虛屬孝緒可行并州樂  
平郡事士鴆可西汾州長史其  
有將軍品爵如故

北齊後主起復邢恕雷郎勅一首 隨李德林  
勅旨并省前屯田郎中邢恕往  
遊建禮聲績已聞雖在艱憂義  
有攘奪可起復前官付外依行  
北齊後主除李遵等官勅一首 隨李德林  
勅旨近西戎未序來寂金谷駢  
率犬羊紫城自守前伴李遵等

忠誠肆憤氣勇爰發橫戈揮劍  
吐叱無前賊徒乞解土宇清復  
奉軍實於和門獻醜類於麾下  
錄切行賞並宜優擢伴授如右  
將軍開國防境志如故付外依  
行  
北齊後主除并州沙門統李勅一首

勅旨律師智審戒行精苦具此  
律儀法師法炬多解博聞方門  
咫尺文武內外送往來居仰為  
先朝伽藍摩搆統理僧務寔資  
開士智審可并州沙門都維那  
无上道寺主法炬可并州沙門  
都維那无上道副寺主各將徒

衆十人仍令住寺付外依行

十

北齊後主降僧惠摩冀州沙門都維那勅旨隨孝德林  
勅旨趙州劉滔寺僧惠摩夙持  
戒業私濟為心往在東楚時逢  
邊寇藩鎮相望郵驛為梗而冒  
涉險塗屢通音信忠誠之義深  
以嘉之可冀州沙門都維那

貞觀年中授杜如晦等別檢校官勅一首  
勅兵部尚書蔡國公杜如晦刑  
部尚書永康縣公李藥師勲望  
之重情寄攸深雖成務禮闈宜  
叅掌樞秘如晦可檢校侍中藥  
師可檢校中書令  
貞觀年中命房玄齡檢校禮部尚書勅一首

勅中書令邢國公房玄齡勲高  
情舊望重寄深文昌政本叅贊  
攸屬可檢校禮部尚書事  
黜免

隨文帝解石孝義等官勅一首 隨李德林  
勅往年王謙作逆出師誅討上  
件石孝義等受命從軍弼諧戎

事切成闢地是將帥之司錄功  
叙勞歸文吏之職及王師大捷  
清蕩岷峽執筆之徒肆情誣罔  
諸是僚佐凡數十人同詳共謀  
虛相構架偷勲竊効先後已始  
自知阿曲所在矜縫軍旅之人  
雖不見賊但詳論訟即入勲簿

證虛作有以少為多聚斂貨財  
弗知紀極益部匪庶誠哉可懸  
前遭賊入已被殘害後逢累吏  
資產更空損穢朝歎廢虧戎政  
此而可忍孰不可懷論其本心  
宜從大辟朕好生惡殺並怒其  
死孝義等在身凡有官爵悉可

除之於益州所得賞及私受一  
物已上並即追收

隨文帝免常明官爵勅一首 李德林

勅儀同三司平原縣開國公常  
明稟性凡愚庶事無取首在周  
代濫務朝行無以容茲不肖仍  
穢纓冤可解儀同縣公

文館詞林




六百九十一

隨文帝免馬仲任官爵勅一首 李德林

勅上開府儀同三司太平公馬  
仲任閨門之內帷薄無辯同氣  
之儉行均鳥獸宜應潛形忍愧  
速避人間而來謁殿庭理外求  
請人而無禮固以要君有穢朝  
行宜除官爵

十三

文館詞林卷第六百九十一



文館詞林

六百九十一

文館詞林卷第六百九十九

教四

恤亡 喪賢 顯節 修復 毀廢 禱祀 崇法

中書舍人子宿遷監修國史弘文館學士上柱國高陽郡開國公臣許敬宗等奉

勅撰

後漢李固恤奉高令喪事教一首

宋劉義季藏枯骨教一首

宋傅亮為宋公收葬荆雍二州文武教一首

梁簡文帝祭北行戰亡將容教一首



贈賻扈玄達教一首

監護桂嵩喪教一首

瞻邱部曲喪柩教一首

梁江淹為蕭驃騎築新亭壘埋枯骸教一首

梁任昉轉送亡軍士教一首

梁沈約祭故徐崔文教一首

贈留直人祖父教一首

梁王僧孺在縣祭杜西曹教一首

梁王僧孺在縣祭杜西曹教一首

東晉庾翼襄荊州主者王謙教一首

梁簡文帝圖雍州賢能刺史教一首

梁簡文帝圖雍州賢能刺史教一首

梁簡文帝甄張景顛復讎教一首

梁簡文帝甄張景顛復讎教一首

東晉王洽修太伯廟教一首

宋傅亮為宋公修復前漢諸陵教一首

為宋公修楚元王墓教一首

為宋公修張良廟教一首

梁簡文帝修理羊太傅蕭司徒碑教一首

陳沉炯為王公修相國德政碑教一首

梁江淹為蕭驃騎發徐州三五教一首

梁王筠習戰備教一首

恆奉高令喪事教一首

後漢李固

告曹侍事掾師儼及吳喜平城

牟基廡令在奉高備勅閨門教

禁施從盜賊衰息獄訟宜少興

崇經典威武兼並考功效實為

郡中軍當寵表先基窮極榮壽何  
意小疾乃至顛殞可痛可惜銜  
絕肝心太守舉門為之流涕母  
老子弱門戶卑微又今北州舊  
族少立清高遺言懇惻欲令暇  
白之素終始不滓故遣儼熹基  
等共視喪事約勅丞掾勿妄為  
非法法賻從吏車兩當令嚴事  
以時備辦聞有穀在羸虵上已  
遣吏糶當今時雀勿令吏得容  
姦時既淺薄此郡尤甚儼等務  
加惻隱動靜言  
藏枯骨教一首 宋劉義季  
經紀夫愆伏違節寔微謗政吾

雖遠庶側備近異規誨慮著之  
既深人言未已思廣消邨弥昧  
其方埋時行堊義存令典收枯  
設醊事感曹陳四境之內有委  
骨露骸毀棺頽椁為經塗所踐  
輓者可申命有司嚴加斂藏其  
宜資湏取給官物豈曰云補異  
微杼給懷便速施行

為宋公收葬荆雍二州文武教一首

宋傅亮

經紀近二寇肆逆距捍王旅荆  
雍文武並被驅逼鋒刃既交死  
傷盈目罪歸元凶衆庶何辜尸  
骨未掩悽然給懷可告宣郊郭  
有家人及親戚在此者各令收

斂若家遠外無相料理者勅右  
戶給材器時殯塵之并物色人  
形標揭題識令六親尋致今天  
人驛虜橫遭非命事至於此愧  
悵兼懷

祭北行戰亡將客教一首

梁簡文帝

二府州圉經紀吾奉命西藩擁  
麾戡伐鋒臨秦汝深入寇場三  
軍之士蒙犯戈戟歲時勞止日  
月悠長或告盡災沘或身膏林  
草悼茲既往曾何可忘凡諸逝  
者可剋日奠祭庶長城之下永  
息委骨之謠浴水之南無復零  
雨之哭雄鬼忠魂少慰原野外

即施行

贈賻扈玄達教一首

梁簡文帝

二府州經紀昔代將一言使申  
郡守之賞曹臣小節猶霑御史  
之榮況復勇邁前脩誠奮往烈  
軍主扈玄達推堅陷敵戰亡旋  
踵自出師薄伐實有厥勞殞命  
鋒刃宜加甄寵可贈本郡新野  
太守賻錢一万布廿匹時遣監  
廩外速施行

監護杜嵩喪教一首

梁簡文帝

二府州國經紀水曹參軍杜嵩  
殞命戎間甚用傷愍嵩汗馬累  
年辛勤已著此段復隨杜懷瑤

凌危履險身杆其父致此喪命  
昔下旰杆親之難彭循衛君之  
鋒皆遺芬前史垂名後代未有  
如嵩奮袂忠孝兼舉悲懷惻愴  
不能自息可賻錢十萬布百匹  
并遣監護喪事別表申聞加以  
榮爵外即施行

贈郵部曲喪柩教一首

梁簡文帝

二府國經紀昔射聲之營曹襄  
有掩焄之德廣漢之邑陳寵有  
收葬之仁言念轉蓬尚思故夢  
瞻斯狡菟猶憶舊丘以彼弃慈  
傷茲墜履吾出藩以來歲時淹  
積屢變寒暑頻阻寇戎今荷壘

書得蒙收短絰東從士庶有於  
此殞命棺柩妻子不能自反者  
外可量宜贍卹使得泐流庶寵  
沙之塵無憂於沈水鶴奔之鬼  
不勞於通夢外即施行

為蕭驃騎築新亭壘埋枯骸教一首 梁江淹

府州經紀夫河南稱慈諒由掩  
對廣漢流仁實存殞朽近哀製  
茲營崇塚浚壑古墟曩燧時有  
湮移深松茂草或致刊難憑軒  
動惠巡隍增愴宜並為收斂并  
設薄祀主局詳辦施行  
轉送五軍士教一首 梁任昉  
府州國經紀隆死甄節著自周



經加等明陳之魯冊述獫狁侵  
邊鋒鏑關甸元戎砮伐胡馬北  
徂今春所上人丁將吏身殞戰  
場或命難災疾瞻言朔野良以  
愴情可使泓流分明標塵即付  
所瞻迎致還本餘孤遺老宜存  
拯異其將吏在軍身經戰陣薄  
有尤劉者賜之綬假

祭故徐崔文教一首

梁沈約

經紀貴邦冠衣不少有士如林  
劉鄭傳駱之家樓留徐揚之族  
雖晚運彫疏不達疇往而餘風  
未改舊俗猶存徒以邦校寮  
弘引蓋闕致雍業淪喪勸募靡

因斑白懷道發憤於鄉曲後進  
希風宜聞於閭閻開太守謬忝朝  
私分竹斯境誠學不專經牯面  
邦國勸厲之志獨盈懷抱方欲  
開飾庠宇招置生徒迺茲舊學  
授以章句庶郵魯之風重興巴  
蜀之化可勉郡前孝廉太未徐

崔文結髮從師華首未倦詳洽  
之功有譽邦邑故屈慙學務俾  
訓後昆曾未云幾奄然長謝本  
懷不遂愴恨兼情及其在殯可  
遣薄醢樓切曹材思斐然柳惟  
材子并為祭文用申往意  
贈留真人祖父教一首  
梁沈約

經紀昔秦王慕道三山之使相  
望漢帝希靈五岳之巡不輟故  
能使韓衆羽化西母來儀神迹  
景蔚可得而言也貴郡區寓秀  
邈含竒隱異鴻軒接軻鶴駕成  
群金華東山留真人誕鍾靈性  
獨悟懷抱日飲霞食卅餘載假  
形劍林蛻景登雲敬想微塵翹  
仰歎結真人門基緒曹此邦冠  
冕而祖稱栖遲榮命不及言念  
追遠增懷無已若夫朱穆私謚  
尚允昔談潘喜追旌寔惟舊典  
可贈真人祖切曹史父孝廉庶  
厥幽靈薄尉上隴

在縣祭杜西曹教一首

梁王僧孺

夫騁歸丹青猶懷之於萬古沉  
吟豪竹欲光之於千載況其鄉  
可踐其道不亡杜生者實南國  
之後人東山之異士造次玄遠  
被服仁義五業必談六行無缺  
靜焉虛室緇塵莫得而干澹然  
飄泊鄙競於何可入其昔因負  
笈聊示緡冠輜幘下士來遊上  
國吾亦諸生從師問道始遇劉  
先生之室未華何徵君之園契  
閑精廬懇勤橫舍疊々清論匪  
辰伊夕灼々高文自篇成卷聚  
散不恒一然為別吾從祿南障

彼亦返東臯一間山川多阻音  
訊謂仁者壽而此子不追塗阻  
且遙瞻赴事隔常恐素車不駕  
宿草已蕪忽以不材懷印茲壤  
下車望境不覺涕之無從聊欲  
申其薄祭以薦故友胸笥已脩  
蘋潦可辨明便宿春蓐食指告  
墓田即可命彼舟人驚駭遄邁

哀荊州主者王謙教一首 東晉庾翼

夫編名朝錄執笏為吏誠應潔  
已奉時以效忠節而未俗偷薄  
貪濁者衆雖罪黜相尋而莫之  
改也兵曹書佐王謙近得區閑

賦貽而能公言不受雖臣下之  
體不可不然然在事者多復不  
能尔以人相望令人嘉之經紀  
宜共甄識至於勞滿叙之令超  
也用意如此理當清貧清貧之  
錫所以厲不清也可賜布三十

匹  
圖雍州賢能刺史教一首 梁簡文帝

二府州國經紀古之所謂死而  
不朽者其唯令名字故冀州表  
朱穆之象太上有陳寔之畫田  
子玄碑高樹汝南之右王生虛  
廟猶在碓邑之傍自嶠渭上壩  
脩都堙穢迴照輿井劃雍根起

晉建興之初迄齊永明之末此  
土州將寔為不少或有留愛萌  
口或有傳芳史藉或武猛紘紘  
或風流名望宜其寫彼丹青長  
為准的昔越王銘金尚思范蠡  
漢君染畫猶憶高彪矧彼前賢  
寧忘景慕可並圖象聽事以旌  
厥善庶以諭茲琴海譬彼高木  
王者即施行稱吾此意

甄張景願復讎教一首

梁簡文帝

二府州國經紀夫理感禽魚道  
均荆棘亦有鄉因行政江以孝  
移廣平太守祭天起際送陰縣

安樂村張景顥自縛到郡列稱  
父以天監七年為陰成村婁法  
所殺尔時年始八歲從來恒加  
伺捕不相逢遇以今月九日於  
公田渚斬法級祭墓訖東身歸  
官昔沂澤撫劍河南執戟遠符  
古義實足可喜防廣刃讎救其  
桎梏之罪丁蘭雪恥擢以大夫  
之位可原顥罪下屬長蠲其一  
戶租課以旌孝烈并上尚書外  
速宣下

修太伯廟教一首

東晉王洽

太伯既至德高讓風流千載加



端委垂化真所謂大造千吳而  
儀形所殆同建旅殊非所以崇  
禮賢達彛訓後昆之謂使可籌  
量脩謹使有常制

為宋公修復前漢諸陵教一首 宋傅亮

經紀夫信陵之墳守衛無曠展  
季之隴樵蘇有刑彼匹夫懷道  
列國陪隸猶見禮異代取貴隣  
邦漢高撥亂及政大造區宇道  
極橫流功高百代盛德之烈義  
在不泯是以大晉之初尊禮三  
恪而喪亂遐緬與時湮替山陽  
不祀陵塋蕪蕪願瞻北原情兼  
九京長陵可復十家其餘十陵

可各復三家並即近陵居人長  
給洒掃王者申下施行

為宋公修楚元王墓教一首 宋傅亮

經紀夫褒賢崇德千祀弥光尊  
本敬始義高自遠楚元王積仁  
基德昭藩斯境素風道業作範  
後昆本校之祚實隆鄙宗遺芳  
餘烈奮乎百代而止封沉翳墳  
塋莫翦感遠存往慨焉永懷夫  
愛人懷樹甘棠且猶勿翦追堙  
孰墓信陵尚或不泯况所興  
開源自本者乎可蠲復近墓五  
家長給灑掃便下施行

為宋公修張良廟教一首 宋傅亮

經紀夫盛德不泯義存祀典微  
管之歎撫事弥深張子房道亞  
黃中照隣殆庶風雲玄感蔚為  
帝師表項定漢大極橫流固已  
叅軌伊望冠德如仁若乃神交  
地上道契商洛顯默之際窈然  
難究源流冲浩莫測其端矣塗

此行原本重出

次舊冲仁駕留城靈廟荒頽遺  
象陳昧撫事懷人永歎寔深過  
大梁者或仁想於夷門遊九京  
者亦流連於隨會擬之若人亦  
足以云可改楫攘棟脩飾丹青  
蘋蘩行潦致薦以時持懷古之

情存不刊之烈主者施行

修理羊太傅蕭司徒碑教一首 梁簡文帝

國經紀吾比維舟渚涯並登南

峴晉太傅鉅平侯齊司徒昭王

二碑舊經有屋傾柿蕪穢略不

復脩並曩歲名賢前代良牧頌

聲猶在留像尚存豈心裁識鶴

獨記黃武可遣國常侍庾信依

先構立庶令冠蓋之傍有踰七

尉之軌高車之嶺無慙四皓之

碑

為王公修相國德政碑教一首 陳沈炯

教府州甘棠不翦取茂邵南之

風峴山常存實間對子之德相

國殿下地居不賤道濟生靈肯  
因求瘼建旗匡蠡人德歸厚作  
教在寬麟趾增哥中和屬詠翠  
石生金刊同勳鼎玄龜負字勒  
比盤孟戎鞞憑陵飲馬江沓城  
寺煨焚廬井夷滅唯百姓所立  
殿下德政碑巋然獨在此所謂  
道高北極德固南山百靈扶持  
萬歲遐祉頌奉休風誰不載躍  
外可即開掃脩飾營造屋觀當  
使揚脩禘祭常識好辭玉祭絰  
過不逢缺字式展人心用旌万  
壽慮施行

黜故江州刺史王敦像贊教一首 東晉庾亮

經紀圖像所以表其形容而昭  
其事跡若乃德為物宗功施於  
人圖之可也詠之可也豈歷官  
服事便儀之不朽邪是亂大德  
而善惡無章矣王敦始者以朗  
素致稱遂饗可人之名然其晚  
節晉賊也猶漢公之與王莽耳  
闔棺之惡固以暴於天下而乃  
圖其像貌著之銘贊言何所述  
義何所依且吾豈與賊臣之像  
同堂而處乎便下毀之以為鑒  
式

廢素真像教一首

東晉劉瑾

經紀夫圖像之興有自來矣大  
小雖殊理存德義未有肆其詠  
而非其人者也素真獲罪天朝  
身陷斲棺之責猶與衆賢列圖  
垂之不朽所謂大盜居正豈可  
介邪舉目矚對心所不論貴邦  
諸人脫未之思耳昔王火將軍  
豐亦莫大庾太尉往臨貴州  
除其像讚雅裁坦然是百代之  
高准也幸速廢之以允大體

祀胡毋先生教一首

後漢李固

告曹禮記曰夫聖王之制祠也  
法施於人則祀之以勞定國則

祀之昔堯遭洪水人處巢窟禹  
平水土附祀于河弄裡嘉穀託  
祀于稷斯所謂以勞定國者也  
自宣尼沒七十子云經義乖散  
秦復火之然胡毋子都稟天溥  
和沉淪大道深演聖人之旨始  
為春秋制造章句是故嚴顏有  
所祖述徵徵後生得以先砧斯  
所謂法施於人者也故宣尼豫  
表之日胡毋生知時情匿書自  
藏不敢有聲董仲舒亦稱吳楚  
之王勢為南面然而弃仁捐義  
背本畔帝故名為小人實為刑  
戮甚可著也胡毋子都賤為布



衣負為匹夫然而樂義好禮正  
行至死故天下尊其身而俗慕  
其聲甚可榮也太守以不材嘗  
學春秋胡母章句每讀其書思  
覩其人不意千載來臨此邦是  
乃太守之先師又法施於人礼  
宜有祀今月甲子祀胡母先生  
五官掾奉謁齋稻梁各三升豚  
一頭薦神坐前務加祫肅二月  
八月報求之時曰社餘福以為  
常

祠司徒安陸王教一首

梁簡文帝

國經紀昔然明著績留武威之  
祀少長良守雋桂陽之碣亦有

文獻駸矧寶之質平南式鴉子  
之墳齋故侍中司徒安陸昭王  
昔撫茲藩神明其政年歲未淹  
遺愛不息今者結纜釣臺艤舟  
華峴遙觀高碑前瞻靈廟臭味  
已深欽風斯在外可具彼蘋克  
明祭謁庶令臨淄惠隴不獨高  
於秦令高陽酈坐豈孤擅於曹

文

與僧正教一首

梁簡文帝

此州伽藍支提某列雖多設莊  
嚴盛脩供具觀其外跡雖備華  
侈在乎意地實有未弘何者凡

鑄金刻玉鏤漆圖瓦蓋所以仰  
傳應身遠注靈覺羨龍瓶之始  
晨追鶴林之餘暮故祭神如在  
敬神之道既極去聖茲遠懷聖  
之理必深此土諸等止乎應生  
之日則整列刑像自斯已後封  
以篋笥乃至十尊五聖共處一  
厨或大士如來俱藏一匱信可  
謂心與事背貌是情非增上意  
多精進心少背塔裏紅函止傳  
舍利鷹頭白傘非謂全身夫以  
畫像追陳尚使吏人識敬鎔金  
圖範終令越主懷思匹以龍阿  
尚能躍鞞方之獸兜猶稱出匣

况復最大慈父無工善聚聞名  
去煩見形入道而可慢此雕香  
蘊斯木蜜絨匿玉豪封印金掌  
既殊羅閱久入四天又異祇洹  
掩戶三月寶殿空臨瓊階虛敞  
書惟不開非仲舒之曲學經僻  
長掩似邠御之避讎且廣夏雲  
垂崇薨鳥跋若施之玉坐飾以  
金鈿必不塵靄輪姿虧點月面  
瑠璃密窓自可輕風難入龍鬚  
細網足使飛鸞不過兼得虔敬  
之理必崇接足之心弥重可即  
懷詳審永使准行

無專會一首

梁蕭綸

僚紀大事廣濟義非為已導引  
群生種之方便所以虛已樂靜  
表之內經確乎難拔者自外典  
又加獨往斯意足論隱不隔真  
乃為菩薩廬山東林寺禪房智  
表法師德稱僧像實号人寵懷  
道守素多歷年所不為事屈不  
為時申上下無常一相無相遂  
能捨彼嗜闍來遊垢濁興言一  
面定文杵曰余以薄德謬臨大  
邦教義未聞貴賢惣至昔綺季  
之出漢年樊許之興唐日茲迺  
聖主流慈天澤傍被異人間出  
復在此辰不勝舞蹈帝之恩普

也剋今月十日於西賢寺設無  
尋會并致敬開士躬諮勝福下  
筵餐道凡厥萌穉爰及庶士因  
不率從咸皆請業上吞軋茲永  
同彼岸外依事宣行

造立騰霄觀教一首 梁王筠

教此境雖靈岳駢羅仙隱攸集  
而郭內城傍了無基館靖言在  
懷常以於邑知城西寺東地惟  
爽塏朝市相望而即目林阜聚  
落非遠幸絕躡塵此實勝地便  
可依止其臺堂所須工力資費  
今宣告同好庶不日而成讚揚  
勸化請自余始并製名騰霄別

事聞奏前脩理臨海先化館事  
已畢切亦併騰述言上

為武陵王府州上禮迴為法會教首

梁蕭子暉

府州閣下一日具僚以吾下車  
甫余酒醴通意既同落室之飲  
有類肩壽之觴前後因循推而  
不納吾以獻饗之禮眼耳交通

酒酌之懽筭卑道接爰命所由  
無棄介志當選良辰申茲樂飲  
但踴譏載笑未若偈頌之一聞  
血膏揚烟不如塗末之整起今  
欲化牛為火車之果變酒為甘  
露之因米効伽陀滿之八斛物  
我兼利不其善歟外可詳設法

會并屏僧徒庶欲少追放魔載  
肅仁祀

三日賦詩教一首

梁簡文帝

二府州經紀今氣序韶明風雲  
調謚豈直洛格嘉宴金谷可遊  
景落興道舞雩斯在咸可賦詩

北征教一首

東晉庾翼

主薄夫兵家之興不出三業豈  
不以其器本不祥動違行正之  
所致哉遠尋先代曹孫諸君並  
以英材挺生之量或乘運而起  
或扶義而興並功隆海內惠濟  
蒼生而嗣裁三四歷年數十况



此胡羯本非人類豎因舌利豕  
縱中原窮凶極虐古今未有僭  
肆迄今將跨四紀豈此寇之無  
斃此道之可久哉蓋由江東屢  
夕內故遑恤蕭牆遵養歷業義  
旗未建故使應亡之寇顛滅無  
由向愼之人忠本路塞耳自李  
龍代勒猜害滋甚腹心枝幹自  
相殘戮窮力恃戰屢夕奔北豈  
非姦略轉衰凶威漸屈故邪且  
仰觀天文表譴於上俯察人事  
離弃於下足明皇祚之方隆寇  
命之日替吾雖不武屬當斯會  
宴安榮寵豈其素志恭行天罰

非今而何是以間為備豫今粗  
尅辨潛命方鎮期契亦集便今  
日建牙發命要與所統文武士  
庶振王威於山北顯義征於趙  
魏遇可降而納之遭可討而伐  
之異逋誅之猾虜必授首於俎  
鐘皇晉之遺黎復覩陽曜於更  
始諸曹其各隨圖部公無令臨  
事一物有闕其速宣示諸佐咸  
使聞知

試嚴教一首

宋孝武帝

先帝道合二儀澤濟倉生恩之  
所洽異俗草面何圖天禍橫流  
變生冢嗣賊劫狂忍躬行弑逆

冤酷之深古今無二叩心崩號  
泣血尸存吾奉承大譁便就纂  
勒志梟凶醜以雪恥責文武將  
帥受恩自昔莫不枕戈奮樂飲  
淚待旦又奉司徒告神謨英略  
赫然大号徵甲數州駱驛在路  
并賊冠軍疏忠烈亮到恊茲義

師荆雍連兵水陸爭奮幽顯恊  
契人神同情以此討逆義踰拾  
遺兵貴神速去惡宜疾況在今  
日痛酷兼常可遣冠軍將軍諮  
議領中直兵柳元景率精銳三  
萬風馳先邁輔國將軍諮議領  
中直兵宗慤提勁捍二萬以相

係接征虜將軍司馬武昌內史  
沉慶之統勒五万星言次路吾  
當惣領大衆躬御我旗便可內  
外式嚴星速備辦仰憑社稷之  
靈府乘送順之數屠膾元凶矯  
之為期使仇恥獲申展哀陵寢  
雖死之日猶生之年臨紙踊踊

肝心寸裂

為宋公試嚴教一首 宋傅亮

經紀自我狄擅命跨制中畿園  
陵幽淪情敬地隔先王舊墟翦  
為沙漠或人謀未集或時不可  
封故令殊類荐居百年相寵哀廟  
堂之筭十紀無成吾忝大任志

在清一而屬逢多故靡有寧歲  
每懷遐慨無忘速圖今內難告  
夷四疆清晏督戎繕器俟命而  
動得樂仲子申季應義妣興審  
死支黨離貳子姪尋戎自相吞  
噬司雍駭擾遺黎倒懸此否終  
之期蕩定日也時來有會赴機

宜疾今上表大舉指期進討便  
可尅日誡嚴諸所備辦隨局申  
攝速施行

為大司馬作北征教一首 宋范泰

閣下京洛土壘園陵幽隔緬感  
遐慨何日忘懷太尉允迪神武  
志一六合家國之恥於是平雪

吾傲若時之會何宜宴安榮寵  
今便抗表求行以申誠節隨局  
備辦勿令稽後

北略教一首

梁簡文帝

二府州國經紀昔曹彰衛霍之  
言祖逖臨江之誓亦有稜威細  
柳勒石燕峰吾自受脤西河出

車薄伐雖金城降虜日聞款附  
而玉門多壘戛責尚深穰城餘  
寇久應弥拔諸將按兵不能應  
定猶令羽書入塞燿火出關未  
靜遊魂久勞探甲吾今便惣率  
麾下一舉掃定假節驍勇將軍  
竟陵太守軍主魚弘率彼勁卒

浴鐵鷗騎精勇五千直衝城下  
皆樓煩命中待詔射聲之使羽  
飲石梁鏃折天柱假節壯武將  
軍軍主左文皎鐵騎三千隨機  
伏截必使問事之杖廢其詭謀  
射的之權寢其姦路假節雄烈  
將軍隨郡太守軍主席宗範等  
拔犀揭石之勇舉旗斬將之雄  
馬步三千遙趣朝水風烈將軍  
洛州刺史北上洛太守楊傑精  
甲銳兵飛馳應起縱星艦之輕  
棹逐粉水之安流舟師二千呼  
吸便至武猛將軍曹幹渚宮勁  
卒陝西武旅二萬精兵駱驛相

繼折衝凌險所向無前先鋒將  
軍典籤軍主茹曇等精甲三萬  
或爪牙權勇或謀猷帷幄風烈  
將軍記室叅軍陸軍等並叅持  
禁戎展采聯事雍容文雅戴筆  
從軍帳內蒼光銳甲三萬憤氣  
含雄奮威雷動鷄視鷹峙獸盼

龍驤絳旌拂天霜戈動日願眇  
則生雷電叱咤則起風雲以此  
攻城何慮不尅以此衆戰誰能  
拒之王洪瓘竄伏窮壘偷生假  
命欲固巢窟其可得乎鎮朔將  
軍長史襄陽太守柳津威惠兼  
宣士馬元威可留知後事鎮守



州城便剋今日廿一日內外武  
嚴行留處分每令精速若大軍  
近次洪羅即能送款輸誠釋縛  
焚觀弘之漏網男女小大一無  
所裁如其守迷不及並同城掠  
外速施行

為蕭驃騎發徐州三五教一首 梁江淹

府州經紀沉攸之背慢雲控稽  
誅之曰久矣況今稱兵江漢之  
上圖豐廟闕之下怨熾罪盈人  
靈所絕朝廷已克辰纂嚴金輿  
夙駕吾任先責遠義兼常慨挺  
刃投袂信見其時方當水斬龍  
舟陸斲犀光雖烈士銜志壯夫

投槩然雲羅既舒宜廣威防所  
統郡縣便普三五咸依舊格以  
赴戎塵主局飛火施行  
習戰備教一首 梁王筠

教經紀墨翟斷趾意在寧宋申  
骨流泣義存救楚何則父母之  
鄉其事兼重桑梓敬恭斯情實

切頃歲藪介蠢類寇掠公行侵  
軼郊疆憑陵城邑大則係虜妻  
孥細則掠奪貲產流離絕域生  
分天地其為恥痛難以寄言而  
此境百姓曾無憤激論情語事  
失之已遠今宜公私勑力務存  
寧濟義防既已降旨便應依事

施行書云不教人戰是謂弃之  
又云兵不素習不可以戰便宜  
將率義勇以時教習使里閭鄉  
黨皆有武備士庶童耆人懷戰  
心則小寇餘孽望風自殒矣主  
曹詳旨施行



教行書云不教人戰是謂不  
死云兵不素習不可以戰  
將率義勇以時教習使里閭  
黨皆有武備士庶童老人懷  
心則小寇餘孽望風自解矣  
書詳有施行

